

## Tšusumetso ea Maruo



### SABATHA MANTSIBOEA

#### Bakeng sa Thuto ea Beke ena Bala:

1 Johanne 2:16, 17; Luka 14:26–33; 12:15–21; Deutr. 8:10–14; 1 Timo. 6:10; Johanne 15:5; Bagal. 2:20.

#### Temana ea Khopolo:

“Hape le seke la ipapisa le lefatše lena, le mpe le fetohe ka nchafalo ea kelello ea lōna, le tle le lemohe ho ratoang ke Molimo, hore na ke hofe, ho molemo, ho khahlehang, ho phethehileng.” (Baroma 12:2).

**L**entsoe la Molimo le bolella batho ba hae ho se “ipapise le lefatše lena” (Baro. 12:2), empa kamoo mabai-bai a lefatše a khalisang kateng, lenyora le sa timeng la borui le seo re nahanang borui bo re tlišetsa sona, le matla haholo. Ke batho ba ’maloa, ba ruileng kapa ba futsanehile, ba tsoile phakoeng haho buuo ka matlotlo a lefatše. Palo ena e keneletsela le Bakreste.

Ha hona letho le phoso ka ho rua, kapa ho itšebelsetsa kathata hore u khone ho ba le tseo u li hloakang bakeng sa bao u ba ratang. Empa ha chelete, kapa lerato la eona, e ba hona ho u laolang, re oetse lerabebg la satane ’me re fela re “ipapisa le lefatše” lena. Lefatše le hasa taba ea hore bophelo bo monate, bophelo ba khaphatseho, bo ka fumanoa cheleteng fela. Empa chelete ke leo ole satane a ipatang ka lona ele ho re hulela ho eena. Mabai-bai ke se seng sa libetsa tse khethiloeng ke satane ntoeng ea hae le Bakreste. Ka ’nete, ke mang ea sa rateng chelete le seo chelete e ka re etsetsang sona ha joale? Khubu ea seo e se fihlelang ke khotsofalo ea hang hang, empa qetellong e ke se khotsofatse bohloki ba rona bo tebileng.

*\*Ithute Thuto ea beke ena ho lokisetsa Sabbatha sa la 6 Pherekhong.*

## Molimo oa Lefatše Lena

Chelete e fetohile molingoana oa lefatše lena, 'me mabai-bai ke tumelo ea lona. Mabai-bai ke leano le kotsi le thata le fanang ka tšireletso ea nakoana e senang polokeho ea moshoelella. Mabai-bai, kamoo re a hlosang kateng mona, ke ha takatso ea leruo le matlotlo e fetoha khubu ea bohlokoa ho feta linnete tsa semoea. Maemo a ka nna a ba le boleng, empa boleng ba ona ha bo'a tlameha ho re mathela hloohong: “Ea ratang silivera, silivera e keke ea mo khorisa; ea ratang ho phela ka nala le eena a keke a hola ka eona.” (Moeklesia 5:10). Bothata ba ho lakatsa ntho tsa lefatše ke bona bona: ho sa khathalehe hore na re fummana tse ngata hakae, haho mohla li lekaneng; re koba ka thata hore re fumane tse ling hape tse ngata tse ke keng tsa re khotsofatsa. Bua ka leraba he!

**Bala 1 Johanne 2:16, 17. Temana ee e re bolellang ka seo e leng sa bohlokoa-hlokoa?**

**Bala Luka 14:26–33. Ke'ng eo Jesu A re bolellang eona moo hape, maleba le seo eleng sa bohlokoa-hlokoa ho Mokreste?**

Mohlomong e ka beoa tjena: ho bao chelete, kapa lerato la chelete, ho ba mathelang hloohong, ruri, ba tlameha ho lekanya kotsi e le ka nnete. “Hobane motho leha a ka rua lefatše lohle, empa a timelloa ke moea oa hae, e tla ba o ruile'ng ka lona na?” (Mareka 8:36). “Ha Krete A ne A e tla lefatšeng, motho o ne a bonahala a ea tetete. Metho ea bohlokoa sechabeng e n'e hatikeloa ka maoto. Bophelo e le ba maiketsetso e se ba nnete. . . . hohle lefatšeng litsamaiso li ne li lahlehela ke ho boloka moea le kelello. Kaho nyekeloa ke litsomo le mashano, le ho leka ho kubuta boinahano, batho ba ile ba retelehela ho mabai-bai le ho se tšepahale. Ba lahlela bosafeleng matjoing koana, ba phelela kajeno fela.”—Ellen G. White, *Education*, maq. 74, 75. Batho ba haptjoa ke ho se tšepahale le mabai-bai 'me ba phelela kajeno fela? Na ke ntho'eo u qalang ho e utloa?

**Ke mang ea sa rateng ho ba le lintho? Potso ke hore: re ka tseba joang hore lintho tseo re nang le tsona, leha li se ngata, li'a re laola, le tsona? Ke mang fela ea tlamehang ho re laola, 'me ke joang re ka bang le bonnete ba hore o etsa joalo?**

## Ho Tlatsa Meliko

**Bala Luka 12:15–21. Molaetsa oa rona ke ofe moo? Ntlha ee e ka sebetsa joang le mothong ea sa ruang ha kaalo-kaalo?**

---



---

Ebang re fumanehile kapa re ruile, takatso ea rona ea ho ba le lintho e ka tlosa likelello tsa rona ho seo eleng sa bohlokoa-hlokoa e li sothele nthong tsa nakoana tse felang tseo ka nnete li sa lokelang ho re falalisa bophelo bo sa feleng. Mohlomong ha ho mohla re tla khumama ka mangole pela setšoantšo sa silivera kapa gauta mehleng ena. Empa, re ntse re kaba kotsing ea ho khumamela gauta kapa silivera, ka tsela e itseng.

Setšoantšo sena ke 'nete haholo likarolong tse ling tsa lefatše, moo bophelo bo inehletseng fela ho fumana matlotlo. Barekisi ba tlohetse ho rekisetsa seterateg ba se ba sebelisa bonōnō ho bapatsa lefatšeng lohle. Khubu ea leano la bona la ho bapatsa ke ho re kholisa hore ha re ka ke ra thaba kapa ra khotsofala ntle le hore re be le seo ba se rekisang. Khamphani e 'ngoe e kholo e kile ea etsa sehlahisoa, ea etsa hore re nahane hore rea se hloka, eaba e re rekisetsa sona. Empa 'nete ke hore: se ile sa sebetsa! Le Bakreste, bao tšepo ea bona eseng ea lefatše lena, ha b'a tšireletseha khahlanong le thetso tsena.

**Bala Deutronoma 8:10–14. Ke ka tsela life setho sefe kapa sefe sa kereke se ka bang kotsing ea tšoso eo r'e hlokomelisoang moo?**

---



---



---



---

**Ke mehlala efe eo u ka e fumanang, ebang ke ka Bibeleng kapa lefatšeng la kajeno, ea moo maruo a motho a mo thusitseng ho holisa semoea sa hae, lerato la hae ho Molimo, le takatso ea leholimo le ntho tsa semoea? Ka kopo, arolelana karabo ea hau le sehlopha.**

## Ho Hohela ha Maruo

Lefatše la papatso le matla a lifefo. Likhamphani li sebelisa libillione tsa maloti ho re bapaletsa litšoantšo tsa lihlahisoa tsa bohlaele. Hangata ba batla ba sebelisa batho ba batle ba ho re hohela. Re sheba papatso ena e be re ipona hantle, eseng re se re e na le eona fela, empa re bile re tšoana le batho bano ba papatsong. Maruo a ne a ka sebe matla hakana haese ka boqhetseke (ka nako e 'ngoe ese ka boqhetseke) bo khalisang bo roketletsoeng papatsong. Ke sesebelisoa sa papatso se matla ho feta tsohle, empa e tšoana le chefo ho Bakreste ba loanang le kotsi ea maruo, eleng boholo ba rona.

**Bala Mattheu 6:22–24. Ho ea ka kutloisiso le liketso tsa Mokreste, leihlo le emetseng? Joaloka Bakreste, re lokela ho itšoara joang ha re bona litšoantšo tsa bonono tse re hohelang ho sebelisa seo re sa se hlokeng?**

Papatso e hokellang khang-khali sehlahisoeng sa morekisi e ka ba sebetsa se matla. Bahoebi ba rekisa thepa ea bona ka ho kenya monate ka likelellong tsa bareki. Maiphihlelo ana kea ho phofa fela, empa aa sebetsa. E ka batla e ba tšomo fela, e nkang batho, mohlomong ho se hokae, ho ba isa ho se bonahalang e ka ke bophelo ba nnete. E fetoha tumelo ea bohata e ommeng ngo! Ka tsebo le linnete tsa semoea, empa e hohela hona hoo ho leng thata ho batho ho ka iphanyetsa eona. Rea e batla, ebile re utloa hantle hore re tlameha hoba le eona, joale hobaneng re sa e reke? Ke Molimo fela ea tsebang bokhotho-khotho bo sebelisitsoeng le boo eleng hona bo tla sebelisoa linthong tseo babapatsi ba re kholisitseng hore rea lihloka.

**“Me kere: Tsamaeang ka moea le seke la kholisa litakatso tsa nama.” (Bagal. 5:16). Leha re rata ho nahana “litakatso tsa nama” haho buuo ka thobalano, ke lintho life tse ka etsang re be kotsing ea ho khotsofatsa litakatso tsee?**

---



---



---

## Lerato la ho Icheba Bo oena

**“Hobane ka mohau oo ke o neiloeng, ke bolella motho e mong le e mong hara lona, hore a se ke a itekanya boholo bo tloisang moo a tsoanetseng hoo lekanya teng; a mpe a ikhophole ka se mo lekaneng, e mong le e mong ka tekanyo ea tumelo eo Molimo O mo abetseng eona” (Baro. 12:3).**

Molimo O itse, “‘Pelo ea hau e ene e ikhohomositse ka botle ba hao, u ne u bolisitse bohlae ba hao ka baka la bokhabane ba hao’” (Ezek. 28:17). Lucifera o ile a ithetsa, a nahana o moholo ho feta kamoo a leng kateng. H’ a re ka pelong ea hae, “‘Ke be ke tsoane le mookameli ea phahameng’” (Esa. 14:14), o ile a bontša taba-tabelo ea boeena, a batla litokelo tseo a neng a se na tsona. Ho ithetsa le hoba le taba-tabelo tsa boeena ebile limelo tse peli tsa pelo e oeleng ea Lucifera. Litemana tsena tse malebana le hooa ha Lucifera li tlameha hore bolella hore, ka tsela tse ngata, sebe sa sethathong ke sa boikhabo, seo setsoantšo se seng se se hlalolang ele “ho icheba boeena ho senyekhe-nyekhe; hoba seithati, lefela.” Ke limelo life tse mothong ofe kapa ofe ea oeleng, tseo eka bang pontšo ea ho ithetsa tse fetang tsee? Empa limelo tsena li qhapakile ho feta kamoo motha a ka nahanang kateng. Nebukadnesare ka boikhohomoso o ile a nahana hore o phahame ho feta kamoo a neng leng kateng (Dan. 4:30). Bafarisi le bona ba ile ba ithuta ho lumela tšomo ena e khalisang. (sheba Luka 18:11, 12). Maruo, le oona, a ka isa thetsong ena, haeba re se hlokolosi.

### **Bala 1 Timothea 6:10. Paulosi o re lemosa kotsi efe moo?**

Paulosi o laea Timothea hore a be hlokolosi ka mefuta e mengata ea batho (2 Tim. 3:1–5), ho kenyeletsa, “Ba ratang chelete” (NKJV). Lerato lena la chelete le ka tsosa ho ikonka ho fetisisang la ho icheba bo-uea le le boikhohomoso. Ho bonolo, ha motho a e na le chelete e nagata, o ipona betere ho feta kamoo a leng a leng kateng. Ka holimo ho tsohle, e mong le e mong o batla ho rua, empa ke ba seng bakae fela ba atlehang. Ka hona, ho bonolo ho barui ho ipona betere, ho icheba bo bona, le ho ikhohomosa.

**Bala Bafilipi 2:3. Temana ee e ka re thusa joang ho utloisisa hore na hobaneng maruo, le moea o tlosoang ke oona, li hanang le tšia tsa Bokreste?**

## Sehlohlolo Sa Lefeela la Maruo

Hona le batho ba bangata ba ratang Molimo. limelo tsa bona li tsoakane le sa Molimo hona hoo maruo a kekeng a li arola.

**Bala Deutronoma 7:6, 1 Petroseos 2:9, Johanne 15:5, le Bagalata 2:20. Ho bolelang ho ba oa Molimo, 'me ke kae moo re fumanang boleng ba rona ba 'nete?**

---



---

Molimo O re, “‘Ke 'Na sefate sa morara, 'me lona le makala. . . . hobane ka ntle ho 'Na le ka sitoa ho etsa letho’” (Johanne 15:5). Khokahano e otlolohile e tiile. “Ho mamela hohle ha 'nete ho kolla pelong. Krete O ne A sebetsana le pelo. 'Me haeba re ananela, O tla iponahatsa menahanong le mererong ea rona, ka hona, A tsoake lipelo le likelello tsa rona hore li latele thato ea Hae, tseo ka ho mo mamela re tla beng re latela thato ea rona.”—Ellen G. White, *The Desire of Ages*, leq. 668.

Ka ho le leng, maruo a re fa nthoe tsoanang le tseo re nang le tsona. Ka mantsoe a mang, re ikhetholla ka seo re nang le sona le seo re ka se rekang matlotlong a lefatše lena. Jakobo o re khalemella sena: “Gauta le silevera tsa lona li jeoe ke mafome, 'me mafome a tsona e tlabo paki e letsoang, a tla ja linama tsa lona joaloka e ka ke mollo. Le ipokelletse matlotlo hara matsatsi a bofelo (Jakobo 5:3). “ho ipokella” ho bolela ho bokeletsa le ho boloka matlotlo a mangata; sa bohlokoa-hlokoa, se matlotlong ao, ho sa natsoe hore na aa fokola kapa a mangata, ke moo ba bangata ba fumanang seriti sa bona (Luka 12:19–21).

Maruo ke mofuta oa boitsebiso bo ferekaneng. Sena se bolela hore ba bangata ba rona, boitsebiso ba rona bo loheletsoe le ntho tseo re nang le tsona. Matlotlo a rona ke melimo ea rona (Mattheu 6:19–21). Joalokaha motho e mong e kile a cho, “Ha ke letho ha ntho tsaka li le sieo.” Ke ntho e bohloko hakaakang hore e be re ka itsebisa fela ka ntho tsa lefatše tseo re nang le tsona. Ke mokha o fofotsang hakaakang, o iphellang, oo qetellong e tlabo lefeela la mafeela hore e-be re phetse maphelo a rona joalo, haholo-holo ho motho ea ipitsang Mokreste. Re itsebisa ka Molimo kapa ka mabai-bai a rona? Khabareng, e tlabo e 'ngoe ea tsona.

**Ke boitsebeiso bo bokae ba hau bo malebana le ntho tseo u nang le tsona?**

---

**Ho Ithuta Haholoanyane:** “Kajeno sera se reka meea ka bochipi. ‘Le ithekisitse ka bochipi,’ ke puo ea Lengolo. E mong o rekisa moea oa hae ka ho etsetso litlatse ke lefatše, e mong ka chelete; e mong ho khotsofatsa litakatso, e mong ka menate ea lefatše. Menyaolo e tjena e etsoa letsatsi le chabang le le likelang. Satane o iketela ba rekiloeng ka mali a Kreste ’me o ba reka ka bochipi, a sa natshe theko ea ka ho sa feleng e lefiloeng ho ba ba lopolla.”—Ellen G. White, *Testimonies for the Church*, vol. 5, leq. 133.

Ho reka meea ka maruo ke sepheo sa Satane, ’me lifi-’motoama li hohela pelo tsohle. Maruo a ka se buie, empa a tseba puo e ’ngoe le e ’ngoe. A tseba ho tlisa monate le khotsofalo ho barui le bafutsana ka ho tšoana ebe a etsa ba re, “Ke na le tsohle tseo ke li hlokanang mona; hobaneng ke tlameha ka ho ikhathatsa ka ntho tse ling?” Ka hona, maruo a kooafatsa kelello; a etsa hore batho ba tšepa seo ba nang le sona ho e na le ho tšepa Molimo. leha ho le joalo, pheko ke “ ‘E se ka matla, kapa borena, empa ka Moea oa Molimo’ ho bolela Jehova oa makhotla” (Zakaria. 4:6, NIV). Maruo a sitoa ho mamella taolo ea Moea O Halalelang ha re inehela ho Molimo re itjoetse hore re keke ra lumella maruo ho laola maphelo a rona.

### Lipotso Tsa Ho Qoqoa:

1. E meng ea mekha eo re ka oelang ho tse ling tsa likotsi tseo re li boneng bekeng ee ke life, leha re le mafutsana kapa re sena mabai bai a mangata ke efe?
2. Batho ba bang ba re, “Ha ke na taba le chelete. Chelete ha se letho ho ’na.” (hangata leha ho le joalo batho ba buoang tjena ba na le chelete e ngata.) Ke hobang ha hangata taba e se ’nete? Lichelete li bohlokoa; li na le karolo maphelong a rona. Potso ke hore: Re ka boloka chelete le bohloki ba rona ba chelete ka mokha o amohelehang Mangolong joang?
3. “Le seke la ipokellela matlotlo lefatšeng, moo tšoele le mafome li jang teng, le moo masholu a fatang teng, a jang. Le mpe le ipokellela matlotlo leholimong, moo tšoele le mafome li sa jang teng, le moo ho seng masholu a fatang a utsoang. Hobane moo letlotlo la hau le leng teng, ke moo le pelo ea hao e tla ba teng” (Mattheu 6:19–21). Bala seo Jesu A re bolellang sona mona ka hloko. Seo A re bolellang sona ke joang eleng tsela e matla ea ho re sireletsa kotsing ea maruo?